



Broj: 03-11-7-1108-1/21

Datum: 10.12.2021. godine

Na osnovu člana 64. stav 1. tačka b), člana 70. st. 1, 2, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 6. Pravilnika o direktnom sporazumu („Sl. glasnik BiH“, broj 90/14), te člana 7. Pravilnika o direktnom sporazumu Agencije za državnu službu Federacije BiH, broj: 01-02-2-33/15, od 02.02.2015. godine i na osnovu člana 34. Pravilnika o unutrašnjoj organizaciji Agencije za državnu službu Federacije Bosne i Hercegovine, broj: 04-02-5-148-5/20 od 06.01.2021. godine, direktor Agencije za državnu službu Federacije BiH, d o n o s i

ODLUKU

o prihvatanju ponude u postupku nabavke usluga razvoja API sistema

Član 1.

Prihvata se ponuda ponuđača OD „Code Collection“ Sarajevo, vl. Nadir Huković, broj P05/21 od 03.12.2021. godine, za nabavku usluga razvoja API sistema za prikaz podataka iz registra zaposlenih u organima državne službe u Federaciji Bosne i Hercegovine za Agenciju za državnu službu FBiH, za ponuđenu cijenu od ukupno 4.951,00 KM. Finansijska sredstva za ovu namjenu osigurana su putem „Projekta - Smanjenje prostora za korupciju kroz jačanje ljudskih kapaciteta u javnom sektoru u FBiH“, od strane Misije OSCE-a u BiH.

Član 2.

Prijedlog Ugovora za javnu nabavku navedenih usluga dostavit će se na potpis izabranom ponuđaču.

Član 3.

U skladu sa odredbama člana 70. stav 2. i stav 6. Zakona o javnim nabavkama ova odluka će biti dostavljena ponuđaču koji je učestvovao u postupku javne nabavke.

Ova odluka objavit će se na web-stranici Agencije www.adsfbih.gov.ba, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 03-11-7-1108/21 od 09.12.2021. godine. Javna nabavka je pokrenuta putem direktnog sporazuma. Procijenjena vrijednost javne nabavke bez PDV-a je 5000,00 KM.

Uposlenici Odjeljenja za stručno usavršavanje i razvoj državne službe, zaduženi za provođenje postupka nakon dobijanja ponude i obavljenih pregovora sa ponuđačem, utvrdili su da je ponuda ponuđača OD „Code Collection“, Sarajevo, u skladu zahtjevima iz specifikacije ugovornog organa, te je u konkretnom postupku nabavke, a u skladu sa kriterijem „najniža cijena“, izabrana kao najprihvatljivija.

Kako ponuda ponuđača OD „Code Collection“ Sarajevo ispunjava sve postavljene uvjete Ugovornog organa, nakon izvršene ukupne ocjene, izabrana je u predmetnom postupku javne nabavke.

Iz navedenih razloga, odlučeno je kao u dispozitivu.

Dostavljeno:

- Ponuđaču
- u spis predmeta
- a/a



DIREKTOR

Refik Begić, magistar uprave